

援
鵠
堂
筆
記

援鵝堂筆記卷第三十八

集部

文選二

補亡詩束廣微注平陽陽平人按晉時無平陽郡名從本傳校改陽平元城人

葛洪抱樸子外篇鈞世云夏侯湛潘安仁竝作補亡詩白華由庚南陔華黍之屬諸碩儒高才賞文者咸以古詩三百未足以偶二賢之所作今岳湛詩並不傳樹按葛洪既以揚雄漢之章不如郭璞出車六月之作不如陳琳茲又以古詩三百篇不如潘岳夏侯湛直是妄誕史稱其著撰精嚴是非又日精辨元蹟析理入微豈足信乎

獸在手草于何校改在

謝靈運述祖德詩 展季弦高二注何云傳文本明不知何

緣反加錯綜及閱宋本亦然

韋孟諷諫詩何云注中善曰二字初疑其有數處不應有及閱宋本亦然

曹子建上責躬應詔詩表 忍垢苟全何云垢魏志作活犯詩人胡顏之譏注引孔安國尙書傳云云按孔傳見太甲毛詩之云亦善自爲說耳

受禪於漢何云於魏志作炎

時惟篤類何云志作時篤同類

哀予小臣何云臣志作子

光光大使何云志作朱紱光大使我榮華

生命不圖何云志作性命

潘安仁關中詩何云議論奇偉非士衡所到往往在館中叔父亦極稱之兩賢之論皆蒙所未喻何又以爲詩史往時楊用修極非杜陵詩史之說蓋通人之言也注杜者何足知之昔人亦云直舉胸情非傍詩史豈以爲美樹按此論當分別言韓公平淮西詩何邵二君推許或過至詩人咏言時事耳目所親或較史文爲信杜公生平以身緯於亂離後人稱爲詩史亦無可議且亦非篇篇皆然楊用修存華之士其論多妄不足採也

陸士龍大將軍譙會被命作致天之居注引毛萇曰居極也毛萇何校改鄭箋範按爾雅作極鄭箋作極

陸士衡皇太子宴元圃詩素靈承祐注建安五年何云五年下有脫誤

應吉甫晉武帝華林園集詩射御茲器射何從五臣改躬

過亦爲失何云晉書作過則有失協讀試

范蔚宗樂游應詔詩 蘭池清夏氣按蘭池如蘭渚蕙圃之

類不必引實地作注

顏延年應詔譙曲水 注引水經注武帝引流轉鵠賦詩何

改文云宋本亦作武帝當檢水經注按酈注江水今本缺逸

已多此條已無可檢尋

信及翔泳注引周易曰豚魚吉信及豚魚何改下豚魚爲中

孚云宋本亦作豚魚蓋其多誤如此今人不揆義理而惟宋

本是信不可解也汪少師記云由敦每閱先生手校諸書亦

嘗疑其過信宋本不意先生自記如此非好古而能遜志者

不足以知之範按善注本易彖文如何所校何處有此耶

按

當是原本作信及中孚何改豚魚後人據今不誤本復妄改
之並著何語也不然何以致斯顯謬後頭陀寺碑文引禮記
一條傳校者誤移於上致或疑何氏不見檀弓爲可怪政與
此同故知書經數傳未有不脫爛訛誤似未可據以爲議也
詳見頭陀寺碑文條又後陸士衡高祖功臣頌何所著曲逆
音注今本亦無至何前後所校羣書改宋本之誤非一故議
宋本之失若此所斥蓋李補汀尚書所藏宋刻殘本何嘗
自記自思元賦以下得李本校亦不知於宋爲何等本也
每惟洛宴注引東陽無疑按東陽無疑見隋志

皇太子釋奠會作詩 按事涉元凶豬宮壞室即使篇章警
秀亦當割棄况此組繪頌述之詞何足多稱以此入選亦盲
於心矣

序言正體毓德語尙略耳此頌譽元凶之言異時編次不當
驚魂泚頽耶宜其立於梟獍之朝而不知慙恥也顏爲元凶
光祿大夫
且此等詩亦何足稱而作者選者俱愛莫能割

達義茲昏何云疑滋

澡身元淵注王逸妍蚩曰妍下何增傲字

邱希範侍宴樂遊苑送張徐州應詔 實惟北門重注引史

記黔夫守徐州燕人祭北門謂齊之北門何云此徐州字從人與邾同乃魯國薛縣與南北兩徐州無與若引此則趙人祭西門更如何牽合耶余按說文邾邾下邑魯東有邾城但此地不得云齊之北門於燕遠不相接

沈休文應詔樂遊苑餞呂僧珍 函輶方解帶四句何云函

輶二聯地理不必可尋齊梁詩皆然妄生穿鑿則謬矣按天

監四年元魏宣武正始二年魏都洛陽芒山伊水正斥其地

何云不必可尋未詳也

樹按何所云亦有義齊梁人述地理實不足徵惟取輿到不作記里鼓沿

至唐賢雖李白王維亦爾直待杜子矣韓退之始革斯弊一洗浮陋耳然此詩自切

耶沈二詩後皆意索而興乏以此知當時諸公才具不多

沈尤似勉強屬筆

樹按何云結有千鈞力可與先生語互參

孫子荆征西官屬送於陟陽侯作詩 三命皆有極注引鄭

元禮記注何云王厚齋云孝經援神契命有三科有受命以

保慶有遭命以謫暴有隨命以督行按白虎通壽命篇略同

樹按趙歧孟子注曰行善得善曰受命行善得惡曰遭命行惡得惡曰隨命惟順受爲得其正又按公羊襄二十九年吳

札來聘疏三命又一說班固幽通賦曹大家東征賦可謂達命之正者矣

莫大於殤子彭聃猶爲夭按殤子彭聃之語見於祖餞之時

母乃不類趙伸符嘗譏阮亭使蜀詩蘆溝橋上望落日風塵

昏等句於使事不切見此不尤駭耶 此非阻餞也疑楚以

私喪歸耳王齊嘗稱楚婦喪服除詩此豈值其時耶樹按何亦議其
漫浪無歸等於狂易又曰時方尙莊老見之於詩故舉世稱
高亦未察其以喪妻而歸誤致詆訶耳若阮亭之句誠有未
可趙君之議不爲過也

潘安仁金谷集作詩 注石崇金谷詩序按世說品藻注載

石崇敘詳

春榮誰不慕注引周易陰符云云据此則李荃傳者非矣
白首同所歸注孫秀時小吏按今晉書作小史岳父名范
謝宣遠王撫軍庾西陽集別時爲豫章太守庾被徵還東
祇召旋北京何云北京未詳余按晉書張翰傳問賀循知其
入洛曰吾亦有事北京當時以洛在北故曰北京疑渡江以
後尙沿此稱又以豫章在南故亦謂建業爲北京耳東晉文

帝紀元嘉二十六年幸
丹徒稱建業爲北京

謝元暉新亭渚別范零陵 廣平聽方藉注將欲彼而求見
欲校改於 郭衰校改鄭 平陽校改陽平 蒙惠化上增
百姓二字 按魏志鄭渾傳爲陽平沛郡太守又爲魏郡太
守 盧毓字子家

曹子建三良詩 按子建此詩疑與仲宣同作未知在建安
何時岨瞻乃遽云黃初後爲子桓發耶

左太冲詠史詩 太冲詩慷慨尙氣然亦索露無餘矣

遺烈光篇籍何云籍從昔讀鵲乃諧聲陳第謂當讀酌誤矣
余按顧亭林唐韻正二十二昔下引此詩讀秦各反 籍精
母鵲清母 亭林讀鵲余謂讀爵亦可然鵲亦作爵且二字

同齒頭音若酌則照母矣

盧子諒覽古詩 繆子稱其賢何云稱繆子本詩寺人孟子
揮袂睨金柱注銅有金何云銅卽金也

東琴不隻彈何改瑟

何云陳生少章曰孫安國言劉琨王浚睚眦起於絲髮釁敗
成於邱海此詩疑爲越石從事中郎時見幽并構釁而作

按樹

今讀書記較簡當但
蔑陳生說故仍著之

謝宣遠張子房詩 注軍頓畱項城按宋書作軍次畱城項

字當滅後修張良廟教注同

顏延年秋胡詩 密比金玉聲何校改云比五臣作此

愧彼行露詩注謂行多露按何改畏似誤惟朱子集傳中作

畏

顏延年五君詠 龍性誰能馴按鐘會謂司馬懿王嵇康臥
龍也不可起詩本此

虞子陽詠霍將軍北伐詩 擁旄爲漢將注涿郡山祝文按
郡耶之譌

應璩百一詩 所以占此土何改占於云五臣作以占
筐篋無尺書注引說文筐篋筥也口頰切口上何增篋按今
本說文筐篋二字俱從匚云或從竹無筥也解

魏志文帝紀裴注引應璩百一詩樽車在道路征夫不得休
何敬祖遊仙詩 眈然心縣邈何云五臣作眇然

郭景純遊仙詩 鍾記室云遊仙之作辭多慷慨乖遠元宗

而云奈何虎豹姿又云戢翼棲榛梗乃是坎壈詠懷非列仙之趣也善云見非前識當指此樹按何云景純之遊仙卽屈子之遠遊也章句之士何足

以知之此論得之鍾李皆未達其趣也

前云朱門何足榮未若託蓬萊後云靈谿可潛磐安事登雲梯固不希餐霞倒景餌玉元都

錢蒙叟與嚴熊論詩舉景純遊仙第二章前六句云吟諷數四霍然心開如登日次如出雲外累蘇積塊窅然若喪其所
有愚謂此等詩不必不佳但如牧翁贊歎希有卻未知其眼光落處大約此老榮古之論多目瞽邪見所成然此詩結構卻奇前六句標舉高隱遐棲似幻似實後六句寓意靈妃導言無媒言外欲脫屣世網追鬼谷而從之卻上下各判如不

相屬而隱脈自通

左太冲招隱詩 經始東山廬按潘岳左思謝氏俱有東山王導當時亦稱王東山而各異處

謝靈運登池上樓 臥病對空林何云空林下五臣有衾枕昧節候褰開暫窺臨二句

游南亭按藥餌情所止本老子樂與餌過客止善讀注闕者

亦不及正

樹按善注及何校皆作藥餌緣衰病最也老子語謂音樂康樂詩用此如先生解嘲以饒官爵

世味也

於南山往北山經綢中晚眺解作竟何感何云二句倒敘兩

後又暗藏不露巧變前規

樹按今讀書記兩後二字為作方久不可解矣按題中無兩後字非

何指出則讀者於詩之語意皆昧

顏延年應詔觀北湖田收 開冬眷徂物穰穰盈化先按凡
杜韓孟三家強造之句皆自文選諸家出如開冬等句鄙心
所未安也

車駕幸京口侍游蒜山作 巡駕市舊柯何改市 祥習在

卜征注歲卜其祥卜何改習 樹按此詩句及注多誤如嚴險

按注當作字以對京誕曜應辰明宋書文帝紀及此二十六

年詔明云生於此注曰誕曜浮曜也誤又疑浮乃滔之譌嚴

險句結上衿衛 句入題起下

鮑明遠行藥至城東橋按題云行藥未知何解或云采藥然

篇中絕不相蒙似非也按魏書邢巒傳云魏孝文行藥至司

空舍南楊用修云五臣注服藥後行步以導其滯又按世說

企羨篇云王孝伯在京行散至其弟王睹戶前問古詩中何

句爲最行散疑卽行藥蓋服五石散之類

沈休文鍾山詩蕭條無所欲所何改可青霞雜桂旗注曹毘陵園賦陵何改臨

宿東園茅棟嘯愁鷗注引杜預雪賦杜何改任

游沈道士館何云翰注道士沈恭遇可淹留處何云五臣無此二句

徐敬業古意謝剡長史既登琅邪城修簞壯下屬何云簞疑作惶

詠懷詩阮嗣宗趙李相經過何云漢書外戚傳鴻嘉後隆於內寵班婕妤侍者李平得幸立爲婕妤上曰始衛皇后亦從微起迺賜平姓曰衛所謂衛婕妤也其後趙飛燕姊弟亦從

微賤輿隄越禮制寢甚於前趙李并稱當指此序傳有及趙
李諸侍中皆引滿舉白談笑大噱之言注誤也余按何所云
趙李之事楊用修已言之但楊讀谷永傳句絕卻誤遂以趙
李爲近幸小臣余向已据外戚傳敘傳辨其訛又詩話補遺
以爲趙季李款此見何竝傳但余疑二者皆非外戚之趙李
未可期以經過輕俠之趙李又無與於絃歌疑顏注爲近蓋
李夫人故倡也而飛燕亦屬陽阿主家歌舞此詩不過言少
時俠游縱倡樂耳假趙李爲經過之地似不必索異解也
連畛距阡陌按注云軫當作畛則連畛舊作軫

湛湛長江水篇何云此篇以襄王比明帝蔡靈侯比曹爽嗣
宗爽之故吏痛府朝見滅王室將移也按曹爽飲食車服擬

於乘輿尙方珍翫充牣其家妻妾盈後庭又私取先帝才人
七八人及將吏師工鼓吹良家子女三十三人皆以爲伎樂
詐作詔書發才人五十七人送鄴臺使先帝健仔教習爲伎
作窟室綺疏四周數與何晏等會其中縱酒作樂又魏略云
何晏好色又晉書梁孝王彤傳云彤用張蕃爲中大夫蕃素
無行娶劉氏解音樂爲曹爽教伎蕃又往來何晏所恣爲奸
淫以是觀之湛湛長江水正謂爽晏耳不及明帝也 何於
十七篇多援魏晉易代之事釋之夫阮旨淵放歸趣難求昔
人之所怯言而必一一舉其事以實之豈悉合哉樹按何云
咏懷之作
其歸在於魏晉易代之事而其詞旨亦復難以直尋若篇篇
附會又失之也是何已自言之然獨於徘徊一首著其日月
則知沈約所解也又錄王子十五年一首謂斥明帝不能辨宣
惟悴甚膚淺也

王之奸而輕以愛子付託當時以德施方在明兩之地嫌於甄錄耳夫梁武之時既未有鷹揚之臣潛擅國柄欲易儲位卽欲附會蠟鷺埋墓之議亦復不似况誦阮詩尙未確知其意云何而選者乃慮其以甄收獲戾耶 詠懷雖云歸趣難求要其佳處不過十餘首王貽上古詩選又采取十餘首然所取似亦在可不之閒 王子年十五游衍伊洛濱朱顏茂春華辨慧懷清真焉見浮邱人舉首謝時人輕蕩易恍忽飄飄弃其身飛飛鳴且翔揮翼且酸辛此篇似有闕文而末二句如以他篇濫入或飛飛之上有跨鶴事而傳者脫失 歐陽堅石臨終詩伯陽適西戎注引魏武帝飲馬長城窟何云魏武詩無復全篇僅見於此

稽叔夜憂憤詩 抗心希古注引趙歧孟子章旨何改指

藏垢懷恥注引杜預注誤在說文下何云宋本亦誤倒

樂道閑居注引論語子曰貧而樂何於樂下增道字云宋本

脫道字是不讀史記者也

樹謂此自善誤引論語非宋本失也

王仲宣七哀詩悟彼下泉人喟然傷心肝按皎然詩式引此

作泉下

樹按下泉義長

張孟陽七哀詩珠柙離玉體珍寶見剽虜注引魏文帝典論

云云余按後漢獻紀初平二年董卓發掘洛陽諸帝陵竝見

魏志及後漢董卓傳又按魏文帝詔霸陵之完功在釋之原

陵之掘罪在明帝然晉愍帝建興三年盜發漢霸杜二陵及

薄太后陵則霸陵亦不完矣

蕪穢不及掃按掃所矩切

潘安仁悼亡命也可奈何注魚豢典略趙岐卒歌曰何云非卒也乃病而預爲遺令欲立石墓前云云

謝靈運廬陵王墓下作 曉月發雲陽落日次朱方按吳志嘉禾三年復曲阿爲雲陽丹徒爲武進漢志曲阿班固注故雲陽故云復又志有曲阿有毘陵有丹徒又續漢志丹徒劉昭注春秋曰朱方按襄二十八年傳昭四年傳杜並注云吳邑以報朱方之役無注 雲陽今丹陽縣丹徒爲武進或卽朱方而後人因其名而名毘陵非吳之武進邪

楚老惜蘭芳注龔先生竟夭天年滅先字

理感深情慟定非識所將按將字當如漢書兒寬有廉智自

將之將史記儒林傳作自持將與持同義惟小顏注以衛爲解又引王隱晉書榮曰功名局之所獎然則志自一物耳名下志下皆增局字

任彥昇出郡傳舍哭范僕射注傳舍言也傳下重一傳字舍下減言字 誦詩數十篇詩上增古字 女史曰史下增箴

字 攜手遯衰孽接景事休明注何移左氏傳十二字於班

固漢書述上

樹按此二語乃昌言之可謂厚顏喪心矣

夫子值狂生注淮南子曰

臺無所鑒謂之狂生臺改臺

樹按玉篇無臺字注攜手改四皓東撫改吏部

王仲宣贈蔡子篤 注晉官名官上增百字

濟岱江行 行字及注行字何改衛云從藝文類聚

贈士孫文始 注初董卓誅也卓下增之字

慎爾所之何云之五臣作主李于後篇亦作主

贈文叔良探情以華按升菴詩話云用史記律書情核其華道者明矣

董褐荷名注有短垣而自踰之有上增君字

君若卑天子以干其不祥卑何改無

劉公幹贈徐幹遙望西苑園按西苑園當卽西園時徐爲太

子文學

物類無頗偏注無偏無陂何改頗

贈從弟豈不羅凝寒何云羅疑羅

樹按何記云乙酉重陽以
南宋本校贈答詩改正五

訛
字

曹子建又贈丁儀王粲從軍度函谷驅馬過西京注引魏志

曰建安二十年公西征張魯何云按李氏注此篇以爲征張魯時作者蓋以魏志王粲傳云粲以建安二十一年從征吳二十二年道病卒若二十三年七月西征爲粲已亡故也按文帝書云徐陳應劉一時俱逝獨不言粲則粲之亡在二十二年之後矣余按据何此辨似不記陳思仲宣誄詞耳其卒之年月已具詳之

何云魏志曰建安二十三年秋七月治兵遂西征劉備九月至長安此其事也征魯未嘗至長安自陳倉以出散關也注誤余按陳倉故城在今寶雞縣東北二十里散關在縣南今之至寶雞者亦過西安府安知魏武之征魯不過長安況平韓馬初定之後乎魏志偶不及耳

休文所稱子建函京疑亦指此詩古人賞好去取之旨所未喻也

丁生怨在朝王子歡自營歡怨非貞則中和誠可經按丁生怨在朝似二人一行一未從也言在末位者不能歌述功德矣而丁王皆足以嫌作者丁以在朝不能從王則斐然有作故歡怨之情異而以此詩解之 趙充國傳便文自營

贈白馬王彪 謁帝承明廬按魏志文帝紀黃初元年十二月初營洛陽宮注云是時帝居北宮以建始殿朝羣臣門曰承明 鬱紆將難進何云宜從魏氏春秋作將何念 存者忽復過何云魏氏春秋作勿魏晉刀筆中作勿復語 憂思成疾疹何云今本魏志無此二句 樹按何云此恐彪憂傷成疾故復爲此語以寬之余

謂非也此仍自解故復有倉卒之語又言終不能自解收合歸宿所以作詩敘哀之故正見筆力搏拏變化轉換不測若作慰彪倉卒之語爲否隔文氣不順矣

贈丁翼何云魏志作廙

嵇叔夜贈秀才入軍集云兄秀才公穆入軍贈詩按選以贈答分類遂改其舊題而以贈字冠之似未安也

何敬祖贈張華西贈廣武廬注引臧榮緒晉書吳滅封張華廣武侯何云廣武壯武地名互異余按華初封廣武惠帝世封壯武非互異也

陸士衡答賈長淵 金虎習質習何改曜云宋本訛習

升降祕閣注引謝承後漢書曰謝承父嬰爲尚書侍郎按吳志如嬪傳謝承父名嬰嬰字誤爲儀尚書郎侍郎亦誤何云

祕書省亦爲祕閣見後答張士然注樹按平原此詩可謂無

士閣識如顏延年張說陳子昂先後類然

於承明作贈士龍 按集蓋與士龍同作也此改與贈同矣

承明去亭何地耶

答張士然逍遙春王圃注引晉宮閣銘云云按東京賦植華

本於春圃善注引宮閣記有春王圃然則非晉始有

余固水鄉士注引漢書曰武功中水鄉人三舍塾爲池按中

水鄉名也豈可爲水鄉二字所本 注見王莽傳地皇元年

潘安仁爲賈謐作贈陸機 神農更黃何云宋作王當作皇

謂五帝更三皇也古黃皇通用

崇子鋒穎注摯伯陵答司馬遷書按摯峻字伯陵見皇甫謐

高士傳

潘正叔贈陸機及爾同僚具惟近臣注引晉書正叔元康初拜太子舍人按機之爲太子洗馬亦當元康初蓋吳王晏之封在太康十年十一月次年改元太熙而武帝於是年四月崩矣惠帝卽位次年永平元年卽元康元年三月駿誅然則機爲太傅府祭酒爲時不久駿誅爲太子洗馬亦不久而出爲吳王郎中令也注引世祖命教孝經蓋惠帝之爲太子引之以證崇正二字機則爲愍懷太子適之宮臣也

予涉素秋子登青春注素秋喻老青春喻少余按陸機死以太安二年年四十三蓋生於吳永安四年辛巳潘尼死於鳩壁年六十餘在洛陽將沒之日當在永嘉五年辛未正叔於

士衡亦不過十年以長素秋青春蓋紀其爲宮僚之時非老少之喻

贈河陽按潘岳秋興賦序云晉十有四年年三十二則泰始戊戌死於惠帝永寧元年辛酉則岳生於正始七年丙寅死時年五十六似猶爲尼之兄故尼稱爲河陽而不字之也傳長虞贈何劭王濟序且有家艱何云家艱下五臣本尙有心存曰替四字

陸士龍答兄機 南津有絕濟注子爲東峙岳下何校滅酸者二十四字改故云南北以報之楚詞曰河廣而無梁形畱悲參商注何滅向曰二十三字

衡軌若殊迹注何滅濟曰五十字

毒卉冬敷注善馬香草馬何改鳥云朱本亦訛馬

芻狗之談注以百姓爲芻狗結芻爲狗也結字上當重芻狗二字

弗克負荷何云荷平聲加讀過平聲播讀暗家讀歌

裹糧攜弱何云五臣本上有不慮其敗惟義是敦二句

二族偕覆注令狐泥何改尼

三蘂並根按根當讀根漢書引繩排根孟康曰根音根格之根

永輯東羽翰輔西翼何云李周翰注東謂幽州西謂并州

旂弓駢駢何云旂與旌通

贈崔溫何暇牧民譽何改收

答魏子悌 聊齊朝彥跡何云朝彥謂府朝之彥

俱涉晉昌艱何云晉書地理志惠帝改新興郡爲晉昌統九
原定襄雲中廣牧晉昌五縣在并州所統一國五郡之中不
必改太原國之晉陽縣注以爲燉煌之晉昌則大誤耳 又
云尋越石本傳晉昌乃晉陽之誤無疑後說以廣晉昌二字
異聞可耳 樹按此二條何自記前注壬申後注戊寅乃證前
二條之說今讀書記不載此二條此傳校本又無
前二條必合四條閱之其說乃備
此卽文獻所寄校書可草草乎

謝宣遠於安城答靈運按題及注城皆當滅土旁按吳志孫
皓傳寶鼎二年分豫章廬陵長沙爲安成郡亦見宋書州郡
志 宋書瞻本傳云爲安成相

方年一日長注滅孔安國三字

歲寒霜雪嚴過半路愈勁量已畏友朋勇退不敢進行矣勵
令猷寫誠酬來訊余按歲寒句蓋指晉宋禪代之際宋武方
誅鋤異己者數語宣遠夙以截止宣明者於此並以勸康
樂也贈謂晦曰吾家以素退爲業汝遂勢傾朝野此豈門戶
福耶又曰若處貴而能遺權斯是非不得而生傾危不
得而至此詩末句卽其意也此等詩無可
取乃知杜少陵有不可人意者亦自難出

謝惠連西陵遇風獻康樂積素盛原疇何校改惑

謝靈運還舊園作見顏范二中書何云此等詩真是初日芙
蓉余謂楊休此言故未易契而以此詩當之似非謝公之所
允耳

聖靈昔迴眷注陸機弔魏文帝何校弔下脫魏武帝文曰庶
聖靈之想像十一字

焚玉發崑峯何云焚玉謂廬陵

閩中焉可處注引漢書云云余按永嘉故東甌孝惠三年以封閩君搖者也無諸之封閩粵王乃都冶善注不相應

殊方感成貸注殊方偏國下脫老子曰三字

顏延年贈王太常注蕭子顯齊書按王僧達見誅於大明之

世安得入齊書蕭子顯齊四字疑誤

或附見於齊紀傳中偶略取之耳

敷言遠朝列何從五臣改烈

芳風被鄉耄何云鄉耄自謂也顏氏王氏皆瑯琊臨沂人余

按顏延以孝建三年卒年七十二僧達以孝建三年除太常

南史作二年

以北使洛詩註證之則卒於孝建三年年七十二

夏夜呈從兄散騎車長沙炎天方埃鬱何云煥熱甚宋本誤

埃

和謝監靈運寡立非擇方注引孔安國論語注曰方道也謂常道也按今刊本無謂常道也四字孔注見論語可謂仁之方也已句下

曷月瞻秦稽謂謝在會稽始寧也

樹按讀書記出弔屈六句未審細

惜無爵雉化何用充海淮注引鄭元禮記注曰充足也子喻

切余按今禮記正義充充如有求

檀弓

三爲充君之庖王制膚革

充盈

禮記

充美也弗敢充也則不充其服服不充

以上玉藻

不充屈

於富貴

儒行

無鄭注子喻切三字刊本誤

謝元暉郡內高齋閑坐答呂法曹何云呂僧珍時爲齊王府

法曹按王上疑脫隨字呂僧珍傳言齊隨王子隆出爲荊州

刺史齊武以僧珍爲子隆防閣從之鎮不言爲法曹梁書略之也元暉嘗爲隨王府文學

就見玉山岑何移見就

陸韓卿奉答內兄希叔注顧氏家譜曰盼字希叔邵陵王國常侍盼何改盼公且切按邵陵王國常侍當是齊武帝之子邵陵王子貞也陸厥死於齊永元元年而詩中離宮華屋書記賦歌之云皆爲顧言之

春華與秋實庶子及家臣按承丞臣同漢碑可攷新唐書承亦多用臣如唐臨傳紛訴不臣狄仁傑傳一問卽臣魏元忠傳贊臣閒臨機會是也此疑讀丞爲臣未應卽作臣字

任彥昇贈郭桐廬丞令行春返注引後漢書曰滕撫云云按

滕撫無行春事此謝承書載鄭宏事

潘安仁河陽縣作長嘯歸東山注岳天陵詩序曰岳屏居天陵東山下按此安仁亦有東山矣

潘正叔迎大駕注軍敗下何校增輕騎奔下邳五字

陶淵明辛丑歲七月赴假江陵夜行塗口何云辛丑乃安帝

隆安五年至癸卯桓靈寶始募甲辰宋公始建義樹按此條當載於讀

書記所載二條之後其說乃備

謝靈運初發石首城 日月垂光景注高龔高改葛

出宿薄京畿二句注滅又曰二字搏扶搖而上征颺已見上

文扶搖下增羊角二字征下改楚詞曰益颺風而上征

鮑明遠還都道中作注云云何云劉良注昭爲臨海行參軍

從荊州還也

謝元暉敬亭山詩卽此陵丹梯注曉鼓吹登山曲曰改鼓吹曲登山曰

沈休文新安江水至清淺深見底賄京邑游好 紛吾隔囂

滓寧假濯衣巾何云假文苑英華本作可又云可字乃與隔字相應隔囂滓自言此去辱在泥塗也無斥京師爲囂滓之理注非余按小謝囂塵自茲隔亦由中書郎出守宣城詩也王仲宣從軍詩注魏志云云按是行也下乃裴注何云不能效沮溺上從五臣本增竊慕負鼎翁厲此朽鈍姿二句

涼風厲秋節注建安二十一年粲從征吳作此四篇按作此四篇乃善語非王粲傳文

許歷爲完士何云史記曰軍士許歷請以軍事諫完當作軍
傳寫誤也又云索隱載江邃解完士之語云漢令稱完而不
髡曰耐是完士未免從軍亦復過於迂曲然相仍作完固已
久矣余謂史記軍士乃後人傳寫之誤正當據此詩及索隱
改爲完土耳何語非

雖無鈇刀用注引班孟堅答賓戲曰搦朽摩鈍鈇刀按注鈇
刀下脫皆能一斷四字樹按桑詩遂稱神武稱聖君斥吳爲
東南夷非孔子之詩豈止兼乘餘資
之獲似賊而已耶九錫
出於王粲殆不誣矣

古辭飲馬長城窟行枯桑知天風海水知天寒入門各自媚
誰肯相爲言何云桑當經風雖枯猶知之水當經寒到海猶
知之若新少年不通人情各自媚悅於君子誰爲我言離思

之苦乎余按白傳解此二句善何語非也

班婕妤怨歌行按題前一行失樂府一首四字

魏武帝短歌行按藝文類聚載此去慨當以慷青青子衿呦呦鹿鳴越陌度阡四解

苦寒行注云云何云山在晉陽自是高誘之誤曰北則愈誤曹子建白馬篇控弦破左的右發摧月支注引邯鄲淳藝經曰馬射左邊爲月支三枝馬蹄一板余按板音跋玉篇矢束也然云馬蹄一板則板同跋

陸士衡樂府十七首按士衡擬古蒙所未喻其於前人章句想倍誦有餘何嘗詣深妙耶往時錢受之詆訶李於鱗諸人形樵漢魏而舉陸十二首爲善學古人其徒馮班復云翫士

衡學十九首如捕龍蛇搏虎豹急與之角而不得暇一師一弟直是盲說瞎贊又何仲默述李獻吉之言陸謝有云陸詩體俳語不俳謝則體語俱俳似優陸於謝而王元美又云陸俳而氣古謝俳而氣今余謂此亦軒前輕後耳陸詩何嘗見其古也體俳似謂雖有偶句而勢直不著意作儷語俳則如以諧比爲工矣元美似謂不必較其體語之殊而氣有今古之別體俳之語亦所未了豈謂方幅同於詩品尙規矩者耶然規矩似謂步驟前人耳嚴滄浪云陸士衡詩最下此言當矣王阮亭所取二章獨具神理樹按義門亦極贊此曰沈著痛快直追曹王殊亦謬賞也又按阮亭取塘上行一篇迢迢牽牛星明月何皎皎擬古二首

樂府詩謝靈運會吟行何滅樂府詩三字云疑誤或詩下脫

一首字

何云會謂
會稽也

鮑明遠結客少年場扶宮罷將相何云扶宮未詳

東門行杳杳落日晚落改白字野風吹秋木秋改草字從郭氏樂府

謝元暉鼓吹曲題前當有樂府詩一首五字

繆熙伯挽歌詩按魏武薤露蒿里二曲竝咏漢末事樂府解題云曹植擬薤露行爲天地

古詩十九首兔絲附女蘿注引毛萇詩傳曰云云按爾雅唐蒙女蘿女蘿兔絲注別四名蓋以爲一物也故善注明之

張平子四愁詩序衡下車泊威嚴能內察屬縣余以能字絕句

張景陽雜詩有淦與南岑注淦與弁同音奄按江淹擬詩及注此本作弁

飛廉應南箕二句注王逸曰屏號起雨滅王逸二字改又曰下王逸曰屏屏翳曰下失豐隆雲師也五字

陶淵明雜詩悠然望南山按東坡論望當爲見刻淵明集者俱以文選爲誤此還有眞意還集作中遠我達世情達集作遺樹按何云下二句皆望中所有東坡之論不必附會余謂下二語何必定同此一望字迂拘可笑

謝元暉觀朝雨何云欲戢翼以退則猶希冀驥首欲乘流以進則猶畏懼曝鰓故曰動靜無兼遂也卽所謂貧賤常思富貴富貴又履危機也樹按此卽讀書記所載校語之前半也彼脫此條則語意不全今若不錄將終

佚

和伏武昌登孫權故城裘冕類禋郊善注引孔安國尚書傳
曰類事類也按孔傳類謂攝位事類疏云以攝位事類告天
帝也吳志吳主傳黃龍元年夏四月丙申南郊卽皇帝位
沈休文和謝宣城注謝眺爲宣城太守作臥疾詩約今和之
何改集云酬謝宣城眺臥疾

牽拙謬東汜浮情及西崑何云及一作反按謝集附此詩亦
作反疑東汜指東陽而西崑謂由外郡入居本朝也 宋楊
大年等爲詩號西崑未知用此二字否

陸士衡擬古詩按詩品云陸機擬十四首今馮氏詩紀及士
衡集僅十二首與選同

譬彼伺晨鳥善注尸子曰使雞伺晨按司與伺通

搗東城一何高此卽東城高且長耶

謝靈運擬魏太子鄴中集詩序云不誣方將庶必賢於今日耳不誣二字未詳何絕句

徐幹首序注國語桓公云云何移於應瑒首下

效曹子建樂府白馬篇袁陽源注孫巖宋書孫巖改沈約

左衛率府邵當行纂逆賊府字劭上增元凶二字

劉休立擬古詩按金樓子云劉休立爲水仙賦人以爲不減洛神擬古詩人以爲陸士衡之流余謂水仙不及洛神擬古勝乎士衡矣 眇眇陵上道上改長

鮑明遠擬古兩說窮舌端注兩說謂魯連說新垣衍及下聊城余疑兩說當不如善注所云

代君子有所思注引老子曰人之生生之厚動皆之死也十有三夫何故以其生生之厚也校改人之生動之死地者亦十有三夫何故以其生生之厚厚下無也字

江文通雜體詩班婕妤詠扇注引弄玉事按杼山詩式云畫作秦王女乘鸞向煙霧興生於中無有古事此語得之樹按杼山

詩式
記檢

李都尉從軍願寄雙飛翼何云當作南飛翼

王侍中懷德嚴風吹苦根何云苦五臣作枯

嵇中散言志朝食琅玕實注莊子云云按莊子無此文御覽

引之云莊子逸篇

潘黃門述哀永懷寧夢寐何云寐讀密

陸平原羈宦馳道遵惟泗道何改馬

長纓皆俊人按民避諱改

樹按杜公淮海雜
揚一後人亦用此

劉太尉傷亂愧無古人度按孔文舉詩庸夫笑我度

盧中郎感交姻媾久不虛何改虧更以畏朋友何改友朋

孫廷尉雜述傳火迺薪艸注引莊子指窮於爲薪火傳也按
用薪傳事而加艸字以就韻不可也

謝臨川游山何云此詩去入二聲皆可讀入聲蔽讀別內讀
納逝讀折淫讀浙去聲則缺讀潰設讀肆絕讀弃徹讀去次
讀遞雪讀慧穴讀隧滅讀傲說讀稅範按入聲十六屑十七
薛去聲十二霽十三祭愚謂此詩當讀入聲又左宣八年傳
及滑內釋文內如銳反一音如悅反集韻收入薛韻從陸後

音音熱不必改協納也逝逝禪母讀入讀設設審母也若圻
徹母漸心母也肆齒音乃心母設讀去則讀逝徹讀去非也
去溪母澈徹母且去非韻或字誤澈去聲讀滯 坎古穴反
見母遞定母雪心母慧匣母穴匣母隧雖遂反心母徐醉反
邪母若依顧亭林古人用韻不分四聲則諸字不煩改讀善
注於晰字略舉協音他字多不說他篇亦多如此顏監章懷
注兩漢皆偶舉一二略者甚多所未詳也

顏特進侍宴按宋人嘗譏此詩句法不變然檢顏自撰卽多
此病 江擬袁陽源作亦然

樹按此論同於何氏所見同也

重陽集清氣何云氣疑作都 巡華過瑤瑤何云巡華未詳
方慚淶水薦注淮南子牙會淶水已見上文何改淮南子曰

牙會淶水之趨高誘曰淶水古詩也

袁太尉從駕何云呂向注爲御史中丞時從宋高祖拜廟并祭南郊之作

擬休上人怨別按東觀奏記記宣宗賦詩賜寓直學士蕭寘
令和寘手狀謝曰陛下此詩雖桂水日千里因之平生懷亦
無以加也明日召學士韋澳問此二句澳奏曰宋太子家令
沈約詩寘以睿藻清新可方沈約爾上不悅曰將人臣比我
得否恩遇漸薄執政乘之出觀察使按蕭以此詩上方睿藻
既誤宣宗不校詩工拙而論君臣亦誤韋復以江淹爲沈約
且云約爲宋太子家令又誤也

樹按蕭寘狀謝引稱不倫實失奏御之體似未可校詩工

拙而不論君臣也

答張士然注何減翰曰鏡曰向曰濟曰五注

答盧諶劉越石何校增王隱晉書曰劉琨字越石中山靖王之後也初辟太尉隴西秦王府未就尋爲博士未之職永嘉中爲并州刺史與盧志親善志子諶琨先辟之後爲從事中郎段匹碑領幽州諶求爲匹碑別駕賤詩與琨故有此答後琨竟爲匹碑所害也

備辛酸之苦言暢經通之遠旨何校前陸士龍答兄機詩注酸者不能苦於言漢書董仲舒對曰天地之常經古今之通義二十四字係此處注脫酸者上有張平子書曰五字

歡然以喜何云五臣本無此句

以上四條補於衡軌若殊迹後

援鵷堂筆記卷第三十九

文選三文

離騷經 帝高陽之苗裔注因允末之子孫恩深而義厚也
因字下脫以爲氏屈原自道本與君共祖俱出顓頊十六字
校補

忽奔走以先後注引詩曰予聿有奔走予聿有先後何改聿
爲曰然余疑叔師所見與今或不同後人据毛詩本改曰耳
善注或仍其舊又按洪慶善補注載叔師注作聿

旣與余成言兮何云此上他本有曰黃昏以爲期兮羌中道
而改路二句後人所增王逸本無之

余旣滋蘭之九畹兮四句何云邵瓚解卽小序所云率其賢

良以厲國士也

樹按此條上有何氏說一條載讀書記而佚此後半今補錄

肇木根以結蔭四句何云邵解言志節之不渝以善保其卒也

自前代而固然注此鳥執志剛厲不與眾鳥同羣忠正之士者亦守節不隨俗爲諂媚從前代固如是非但於我何改曰言鷲鳥剛厲特處不羣以言忠正之士亦執分守節不隨俗人自前代固然非但於今

縱欲而不忍注不忍其欲以殺夏后相也按如注意則欲下有殺字本或近是

耿吾旣得此中正注言已觀禹湯文王修德以興天下見羿澆桀紂行惡以亡按已下當有上字天字衍則中心的明

此中正之道按的當爲曉明下寫得字

蓋吾游此春宮兮何云前靈頤謂君門春宮謂嗣君

吾令豐隆乘雲兮求處妃之所在李云女者君之配也求女者爲君求配也處妃貴女也以喻貴臣然驕傲淫佚則亦無禮而不足求矣佚女者遺佚之賢也然時莫有爲之媒者使鳩爲媒其不能爲賢者先容可知拙如鳩者又惡其巧言佞人之多也楚國旣不能招致賢人則恐爲他邦所先得矣東

按安溪所解詳載讀書記此條尤簡足與互發故存之

孰求美而釋女李云女與芳草皆指賢人非謂君也

招魂晉制犀比按馬融廣成頌陽阿衰斐之晉制與下南音偶句似云聲樂也

枚叔七發何云數千言之賦讀者厭倦裁而爲七移行換步處處足以回易耳目此枚叔所以獨爲文章宗劉彥和以宋玉對問枚叔七發揚雄連珠爲雜文之祖按枚叔真所謂得賦家之心足以發皇耳目感蕩幽潛後此擬之者不離行楚而何君獨許其變賦爲七豈深解乎

魚跨麋角注魚跨跨度魚也麋角執麋之角也按魚卽魚服麋角卽云弓也

並往觀濤乎廣陵之曲江注漢書廣陵國屬吳也或云卽今西陵按漢志廣陵國下注云景帝四年更名江都武帝元狩三年更名廣陵此卽今之揚州府竟不得斥云西陵此屬吳之下當有曲江二字西陵去廣陵差遠以吳都廣陵是時兼

得鄆郡及會稽西陵在其竟故云廣陵之曲江也元時錢塘人錢惟善鄉試羅剎江賦引七發證羅剎江之爲曲江其賦首云惟羅剎之巨江兮實發源於太末爲主司所賞

曹子建七啓寒芳苓之巢龜注寒今臍肉也鹽鐵論曰煎魚切肝羊淹鷄寒劉熙釋名曰韓鷄本出韓國所爲寒與韓同何於本上增法字又云此韓乃三韓亦有韓羊韓兔按何說本顧亭林日知錄第二十九卷

張景陽七命陸灑奔馳按灑疑作灑然晉書亦爲灑

王元長永明九年策秀才文事滋鎔範注應劭曰鎔錢模也何校增鎔形容也作錢模也

表注表者明也云云何云此注當移置後表字下

曹子建求自試表君無虛授云云注何校補王符潛夫論曰
明王不敢以私授忠臣不敢以虛受二十字於韓詩之上
昔一國不辭兩國之任注號仲號叔王季之穆恆爲王卿士
勳在盟府何校改王季之穆也爲文王卿士勳在王室藏於
盟府

繼成康之隆注引春秋歷序按歷上失命字

陸士衡謝平原內史表陪臣陸機言今月九日魏郡太守遣
兼丞張含齋板詔書印綬注凡王封拜謂之板官時成都攝
政故稱板詔按偶陪臣則詔書及後陛下仍偶晉惠也言齋
板并詔書印綬耳

身登三閣官成兩宮注晉令曰祕書郎掌中外三閣經書兩

宮東宮及上臺也何云所謂臺閣者此也唐之鳳閣鸞臺則當爲閣按唐紀志表傳俱作閣蓋武后易官名本緣前代臺閣之義不當爲閣

義足灰沒注言我身如灰之滅不足報也按晉書庾亮傳灰身滅族不足以塞四海之責

憂愧若厲注中謝按据此下接而齊王冏後若無所容下接不悟日月之明則凡他文具列中謝之文可不誦如此文若具誦之則文不相接矣

陰蒙避迴注言密自蒙蔽避迴罔黨按此言迴避倫黨

劉越石勸進表神器流離注云云按漢書敘傳王命論神器有命韋昭說或見於音義

臣碑按碑上失匹字篇中數處同

晉有驪姬之難注遂譖二公子公子皆知之按皆上失曰字
衍下公子二字

狡寇窺窬注民服其上下無覬覦按其上失事字下上失而
字

無所繫心注谷永集曰國家久無繫嗣按繫當作繼

張士然爲吳令謝詢求爲諸孫置守塚人表注孫盛晉陽春
秋春字衍

燕祭齊廟注引傅子曰按傅子傅休逸所箸士然作表未必
本此

庾元規讓中書令表東京六姓注桓思寶后順烈梁后誤倒

桓元子薦譙元彥表想王蠋於亡齊之境注引史記固不如
享名按今本史記享名俱作烹

殷仲文解尚書表注檀道鸞晉陽秋按晉上脫續字 於臣
實所教喻所上脫非字

傅季友爲宋公求加贈劉前軍表何云少章云此表與穆之
本傳所載異同頗多此篇是据季友本集

任彥昇爲褚諮議綦讓代兄襲封表按褚淵封南康郡公褚
賁以永明六年上表稱疾讓封與弟綦彥昇爲綦作表是此
時事然齊帝卒令綦襲次年賁死八年綦改封巴東郡表讓
封還賁子霽詔許之其讓霽之表無傳焉善注引至後讓霽
事已非是而何義門疑表中無及霽語似是昭明刪節不省

照此表乃賁存時表內自言讓南康非巴東也又按本傳相承故著蔡改封注文引此不言其襲封南康而仍其改封之文亦憤憤矣

樹按何云善意以集爲藁本疑下脫集字然此疑昭明刪之蓋表中無一字及讓蔡知非本然也

爲范始興作求立太宰碑表故精廬妄啓必窮鐫勒之盛注漢記王阜按漢上脫東觀字又按精廬立碑用姜肱事困學紀聞已及之

鷓鴣東徙注引毛詩序又引說苑按蓋用鄭箋周公避於東都而鷓鴣以喻先臣也兼采東徙二字代居東此當時用事法

鄒陽上書吳王高皇帝燒棧道注言高祖涉所燒之棧道也

按涉所燒當作燒所涉

獄中上書自明宋信子冉之計注文子曰子罕也文子之子改穎曰下脫子冉二字

欲聞忠信注善曰小雅曰小下脫爾字

此鮑焦所以忿於世而不畱富貴之樂也何云漢書無而不畱七字

江文通詣建平王上書彼之二子何云梁書作二才誤按柳子厚答人論文書彼之二才且猶若是疑卽本此

任彥昇爲卞彬謝修卞忠貞墓啓何云南史何點傳從弟遁作東籬門園居之園有卞忠貞冢點植花於冢側每飲必取酒酬之

又云卞字望之其名當取三壺之義按何所言三壺未詳梁簡文南郊頌序有三袞咸作叶化台光三袞亦未詳所出三公一命袞或謂是耶後漢牟融贊牟公簡帝身終上袞三袞始卽三公也

樹按三壺或謂方壺圓嶠三山可望不可及語言不作壺苦本切也

名教同悲注何減名教十字按名教同悲指尙書郎弘納之議又本傳云盜發壺墓安帝詔給錢十萬以修塋兆

奉答勅示七夕詩啓性與天道事絕稱言何云馮異上書世祖曰乃知性與天道不可得而聞也

爲蕭太傅固辭奪禮啓何云昉啓五臣作君啓呂延濟云昉家集諱其名但云君撰者因而錄之按六朝諸集書啓多作君啓君白之語呂說得之

樹按讀書記有下文君於品庶之君同九字

奏彈曹景宗東關無一戰之勞注諸葛恪作東關魏軍距之
恪令丁奉等兵便亂斫按距之下脫陣於堤上四字等下脫
爲前部三字兵下脫得上二字

矣彈劉整注整卽宋吳興太守兒子也按兄上疑脫瑀字
如法所稱整卽主注昭明刪此文太略故詳引之令與彈相
應也何云何不分注於下旣入此選理當刪節今復詳引適
亂本書之舊善不解屬文妄作乃爾

沈休文奏彈王源吳興邑中正邑疑郡

姻婭淪雜云云何云宋大明五年冬詔士族雜婚者皆補將
吏當時與工商雜戶爲婚蓋有明禁後所謂黜之流伍也按
何所云見通鑑宋書南史沈休文傳未載

化充牀第按此化字疑如桓六年公羊傳化我也之化

樹按
下云

視事如故疑作視如
故事猶言如律令也

楊德祖答臨淄侯牋今之賦頌古詩之流不更孔公風雅無
別耳按此云賦頌皆六義也但不更孔公其於風雅故無別
也

樹按此條
何已及之

吳季重在元城與魏太子牋抑亦懔懔有庶幾之心按前書
循吏傳序此廩廩庶幾德讓君子之遺風矣

謝元暉拜中軍記室辭隨王牋效蓬心於秋實何云秋實自
用邢卯事

任彥昇到大司馬記室牋昔承嘉晏何云梁書作清

李少卿答蘇武書劉知幾定爲非西京人作諒矣而東坡先

生云是齊梁閒小兒擬作但江淹獄中上書已有搥心泣血語則是文之傳久矣 幸甚句注小雅曰小下脫爾字 滅名不如報德也注子曰子下脫范字

楊子幼報孫會宗書豈得全其首領豈下脫意字其字衍憚幸有餘力力改祿

孔文舉論盛孝章書按吳末亦有盛憲見晉書羅憲傳何云孔文舉誤次朱叔元之前

其人困於孫氏何云時憲避難許昭家

朱叔元爲幽州牧與彭寵書注漁陽太守以爲天下未定守下脫彭寵二字

若以子之功論於朝廷按功下脫高字

奈何以區區漁陽注公羊傳曰按傳下脫司馬子反謂楚王
七字

陳孔璋爲曹洪與魏文帝書宮奇在虞注唇亡齒寒號之謂
乎號上脫其虞二字

鴻雀戢翼於汚池注周禮有牧田按五字當接上注林外謂
之垆下

阮元瑜爲曹公作書與孫權注承父兄餘資按承上脫將軍
二字

抑遏劉馥事未詳

荆土本非己分我盡與君冀取其餘非相侵肌膚有所割損
也思計此變無傷於孤何必自遂於此不復還之此言荆土

非於肌膚有所割損不必肆其兵力角勝而求之也

魏文帝與朝歌令吳質書何云漢朝歌屬河內郡建安七年始割以益魏郡令魏略作長

與吳質書而偉長獨懷文抱質恬淡寡欲有箕山之志何云先賢行狀稱幹篤行體道不耽世榮魏太祖特旌命之辭疾不就後以爲上艾長又以疾不行與箕山之云爲合若文章志所云則幹嘗出而仕矣且文帝言其著中論二十餘篇而文章志止言二十篇皆不足據範按南豐序亦取先賢傳而疑中論二十篇與魏文語不合又按中論爵祿篇似卽偉長之自喻其志蓋皜然不滓者也不仕可信

仲宣續自善於辭賦惜其體弱不足起其文按體弱未必論

其文疑卽魏志粲傳所云貌寢而體弱也又魏略亦有元瑜病於體弱之語

與鍾大理書黃侔蒸栗注王逸玉部論曰或問玉符云云作栗何云山海經郭氏傳引此謂之王子靈符應栗與漆協韻非栗也

恐傳言未審未敢作書何云魏志繇傳無未敢作書四字

荀仲茂注荀宏何云魏志荀域傳注作閔

曹子建與楊德祖書文之佳惡吾自得之後世誰相知定吾文者耶何云佳惡典略作佳麗言我自得潤飾之益後世讀者誰知吾文乃賴改定耶定亦改也範按南史任昉傳王儉出自作文令昉點正昉因定數字儉拊几歎曰後世誰知子

定吾文何說正與此合又御覽五百九十九卷引此文無相
字又何引鍾會傳注虞松作表會爲定五字以證定字然
按前漢朱雲傳陳咸爲雲定奏草則舊有之先公端恪跋
陳芝山相國手牘云芝山以文筆自負嘗持其文相示曰丁
敬禮有言後世誰知更定吾文者則前輩引此亦未誤也又
閻楊夢山存家詩稿自序云客曰陳思王謂後世誰知竄吾
文者公顧歸美於紀山諸公何也此雖易一字卻文義不殊
劉季緒才不逮於作者注摯虞文章志曰劉表子按劉表上
脫劉修字季緒五字

可無歎息乎何云善本無歎字五臣有之非
非要之皓首非何改此從典略

吳李重答東阿王書耳嘈嘈於無聞情踴躍於鞍馬何云此處疑有脫誤

應休璉與侍郎曹長思書何武恥爲宰相注爲御史司空按史下脫大夫大三字

稽叔夜與山巨源絕交書按此蓋絕巨源之舉以自代耳絕交二字疑後人妄加之

許由之巖棲注張升反論曰論下脫語字

樹按張升反論語未詳

又每非湯武而薄周孔在人閒不止此事會顯世教所不容按在人閒不止此言有過於湯武之征誅周孔之禮教而事之所會則非薄所形爲世教所不容故已顯焉可知何以事字絕句其解此疑亦同也

男年八歲注王隱晉書王隱上何增晉諸公讚曰康子劭八
字

今但願守陋巷何云巷一作廬

孫子荆爲石仲容與孫皓書文王退舍注文王崇侯德亂而
伐之王下脫聞字侯字衍

趙景真與稽茂齊書按轡而歎息何云陳少章云據注中語
則正文中五字當衍

劉孝標重答劉秣陵沼書冀東平之樹望咸陽而西靡注聖
賢冢墓記曰東平思王冢在東平無鹽人傳云思王歸國京
師後葬其冢上松柏西靡何云注有脫文範按東平王宇傳
小顏注引皇覽云人傳言王在國思歸京師云云

但懸劒空隴注帶寶劒以過徐君不言而色欲之按徐君下脫重徐君二字

孔德璋北山移文道帙長殯法筵久埋殯何改作擯然以埋字義例之似作殯

爲袁紹檄豫州獬犄鋒協協何改俠云從魏氏春秋

續遇董卓注董卓字仲穎按董上脫魏志曰三字

獎賊威柄注魏志作獎賊賊成也按上賊字下脫後漢書作獎就就成也下賊字衍

脅遷當御省禁卑侮王室按後書魏志俱無當御二字王室志作王官後漢作王僚坐領三臺何云領范作占

梁孝王云云注曹瞞傳曰曹操破梁孝王棺收金寶天子聞

之哀泣按操下脫別入殤發四字王下脫豕破二字寶下脫

數百斤三字

樹按操下破字當減

往者伐鼓北征公孫瓚云云按范史注引獻帝春秋云操引軍渡河託言助紹實圖襲鄴以爲瓚援會瓚破滅紹亦覺之以軍退屯於敖倉

檄吳將校部曲未鼓而破注引魏志丁斐因放馬以餌賊賊亂取馬公乃得渡循河爲甬而南按馬上並脫牛字甬下脫道字

鵜鴂注立雀也何云湯校立當作土

樹按湯未詳疑是西庄

土崩魚爛注引公羊傳其言梁亡何自亡也奈何按也下脫其自亡三字

鍾士季檄蜀文撥亂反正注引魏志曰有太祖皇帝有下減太祖二字增司奏武三字又何校攝統戎車車改軍興兵新野新改朔興隆大好興改與蜀侯見禽侯改相此皆諸公所備聞公改賢

宋玉對楚王問其爲陽阿薤露按新序作陽陵采薇當作陽阿采菱刻本誤

故鳥有鳳而魚有鯢按注則善本作魚有鱗不爲鯢也新序作鯨

東方曼倩答客難著於竹帛何云昌黎詩吾老著讀書本此

著涉略反

東樹按盧抱經有與人一書說此字最詳

悉力慕之何改募曰說文廣求也

明有所不見何云本望武帝知之不盡反言明有所遺君道固然

楊子雲解嘲時雄方草創太元何減創字從漢書

枝葉扶蘇獨說數十餘萬言何云扶說文从木不从手範按漢書無數字

後椒塗何云漢書作陶師古注今書本有作椒者流俗所改二老歸而周熾注脫太公避紂居東海之濱九字

或倚夷門而笑注應劭曰侯嬴也下脫爲夷門卒四字

或七十說而不遇注應劭曰孔丘也已見東方朔答客難按今本答客難脫此注又按淮南子秦族孔子欲行王道東西南北七十說而無所偶又賈誼新書鮑叔言管仲於桓公七

十言說乃聽

欲談者卷舌而同聲何云卷漢書作宛同作固顏注固閉也故有造蕭何之律一節何云此借以自喻已所抱者唐虞三代之道不可時施則默守吾玄耳按此本韓非五蠹而淮南精神篇及楊班述造俱沿用之

雖其人之膽智哉陳少章云膽漢書作膽又夏侯湛東方朔贊亦有膽智宏材之語善仍引解嘲之文作注則膽字刊本之訛

司馬長卿竊貲於卓氏東方朔割炙於細君何云貲漢書作訾炙作名師古注以肉歸遺細君是損割其名

班孟堅答賓戲說難既適注應劭曰適好也何云漢書作會

應劭曰會音會豪之會會雄也無會好之文範按漢書亦當作迴故應言其音若本作會何煩以會豪明之乎又按月令乃令大酋鄭注酒熟曰酋此亦成熟之義不必解爲會豪夷陰芟荒陳少章云据晉灼注正文中芟字當作發謀合神聖漢書作聖神按顧亭林云古韻不拘四聲用納乎聖德何云用疑周伯夷抗行於首陽柳惠降志而辱仕何云漢書無伯字柳字而作於

顏淵樂于簞瓢淵作耽

神其舍諸何云神漢作名又袁本注云善本作聖

漢武帝秋風辭何云湛淵靜語曰武帝紀祀后土者六五幸

河東六幸高里幸河東皆在三月獨始立祠雕上乃元鼎四年十一月也以辭中物色考之曰木落雁南蓋其時尚循秦舊以亥爲正十一月卽夏正八月也辭作於此時無疑時方有事於五岳四夷而文中子以爲樂極哀來乃悔心之萌何也史記漢書藝文志俱不載樹按賈生作鵬賦歸始陳治安策後爲梁王太傅王墜馬生自傷爲傳無狀而死而自唐以來皆誤以坐陳治安策而貶長沙孫文定南游錄議生死于長沙爲少不養氣不知樂湖南山水之美皆憤憤也又或南游錄欲模潘岳西征賦亦爲之類與

陶淵明歸去來辭鶴山云史載淵明之去在義熙三年以其時考之蓋宋高祖殺殷仲文之歲昭明所謂恥復屈身異代者爲得其心

撫孤松而盤桓洪景廬云其飲酒詩青松在東園一篇所謂

孤松者是也蓋以自况也

將有事乎西疇何云西當讀爲先卽農服先疇之畎畝也西與先古通用按史岑出師頌善注亦云

樹按此作東西之西語意更自然也

既窈窕以尋堅尋晉書南史並作窈

樹按作窈者是尋字常語無力

卜子夏毛詩序關雎后妃之德也按正義謂舊說云起此至周之邦國焉名關雎序謂之小序自風風也訖末名爲大序今謂此序止是關雎之序總論詩之綱領無大小之別又按朱子詩序辯自詩者志之所之也至詩之至也名大序首十句與然則以下十八句名小序昭明以之入選似亦以此爲大序惟未分割其文耳但題以毛詩序而署以卜子夏殆未安也朱子所分大小序未詳所本又按序蓋漢初經師說

詩一則因關雎一詩開宗明義遂及詩之大旨後人乃取以冠詩而謂之曰序疑不然也此序節節觀之可也朱子所云大小序者前儒無是義當考

風風也按下風字當讀如字前儒以風也及風以動之之風讀諷疑非

聞之者足以自戒正義曰俗本戒上有自字者誤

然則關雎麟趾之化正義序因關雎是風化之始遂因而節之廣論詩義詩理既盡然後乃說周南召南

樹按如正義所較舊說及朱子

說

孔安國尙書序懼臨見之者不一何云匡謬正俗云晉宋時皆云懼覽者之不一

杜預春秋左氏傳序周禮有史官掌邦國四方之事達四方之志按外史職掌四方之志掌達書名於四方杜引文本屬小誤而作疏者必強通之

隨義而發其例之所重按孔氏正義以隨義而發絕句誤也相與爲部何云正義曰事同則爲部小異則附出孤經不及例者聚於終篇故言相與爲部

麟鳳五靈何云五靈之文出尙書緯

皇甫士安三都賦序何云世說注此序及劉注卽太冲所自爲蓋託之勝流以重其光價也按今讀太冲賦序其卒曰聊舉一偶攝其歸統歸之訓詁則注明是太冲所作又魏都賦或云張載今文選中仍題劉逵參錯不合孝標之言未爲無

據範按士安卒於太康三年太冲賦當成於太康之初故陸機入洛尙有須其成以覆酒甕之語時思賦未成也

陸士衡豪士賦序按今晉書云機作豪士賦以刺罔罔不之悟而竟以敗與注所引臧榮緒晉書齊亡作賦之語不合孫惠諫罔之言特爲切至機議論關於情事且此日曠林寸干戈之討國步兆蔑資之痛乃猶漫舉桑霍之戒於惠皇顯隕之朝不其憤憤樹按機希榮賴寵至爲成都舉兵以犯王室迄於身遭夷滅而不知悔議既闕文亦浮冗立德之基有常注引左傳穆叔曰按當作叔孫穆子曰

而時有祔服荷戟注使是時按使下有有司侍祠四字

顏延年三月三日曲水詩序注韓詩曰三月桃花水之時鄭國之俗三月上巳於溱洧兩水之上執蘭招魂祓除不祥也

何云亭林云季春之月辰爲建巳爲除故用三月上巳祓除
不祥古人謂病愈爲巳亦此意也周公謹癸辛雜志以爲戊
巳之巳者非按古人上丁上辛皆取十幹亭林之說疑非亦
本之仲遠也樹按亭林讀上巳之巳羊里反音以異於周公謹讀戊己之巳爲祥里反音几又按康成注禮記月令巳之言起也徐肇何云後書禮儀志注中作郭虞羽觴隨
流波何云从藝文類聚損流字乃因其處立爲曲水何從

藝文增祠字

諭德於外何云諭德官名本此樹按采遺亦卽拾遺

王元長三月三日曲水詩序我大齊之握機創歷何校有建
武泰山刻石文昔在帝堯聰明密微讓與帝舜後裔握機數
語似增注文見續漢志

署行議年注漢書詔曰有懿偁明德者遣詣相國府署行議
年蘇林曰行狀年紀也按漢書議作義然据蘇林注似以署
議字相偶樹按据後書左雄傳羅上言孔子曰四十而不惑
先詣公府練其虛實云云明年廣陵孝廉徐淑年未及舉臺
郎疑而詰之若漢書高祖紀則行義連文爾時無議年之事
又按儀禮記冠義古者五十而有賢才者試以大夫冠禮之有鄭氏
注周之初禮年未五十而有賢才者試以大夫之事猶服士
服行士禮五十而爵重官人也高帝詔以署字貫二
事行義若孝秀四科等年則如今之履歷非有議也
侮食來王何云厚齋云周書王會東越海食或誤爲侮食而
元長用之其別風淮雨之類乎

芳林園者注十洲記曰芳林園在青溪菰首橋東齊高帝舊
宅齋有天下爲舊宮宮東築山鑿池號曰芳林園何云十洲
記疑是丹陽記按丹陽記不知何人撰唐志有分吳會丹陽

三郡記又按南朝宮苑記芳林園一名桃花園在廢東府城邊秦淮大路北見御覽一百九十六卷又梁書齊世青溪宮改爲芳林苑天監初賜南平王偉爲第見本傳 又按東府在今鷺峯寺

任彥昇王文憲集序衣冠禮樂在是矣在上脫盡字

遷尙書左僕射注以執金吾營郤爲左僕射營郤改策劭歸田息訟注終不取德爭改終死不敢復爭

公在物斯厚居身以約玩好絕於耳目布素表於造次室無姬姜門多長者立言必雅未嘗顯已所長持論從容未嘗言人所短宏長風流許與氣類雖單門後進必加善誘助以丹青之價宏以青冥之期居厚者不矜其多處薄者不怨其少

二十句山谷嘗書之以遺人云玩斯文不忍釋手作人如此安往而不得其所哉

士感知已注曹植祭橋玄文陳少章云此魏武祭橋公文注誤

王子淵聖主得賢臣頌韓哀附輿注世本韓哀侯何云按世本哀下無侯宋衷曰韓哀韓文侯也

楊子雲趙充國頌亦紹厥緒緒何改後

出師頌注隲西屯漢陽征西校尉任尙與羌戰大敗之遣中郎將迎拜隲爲大將軍按征西上脫使字大敗下滅之字脫徵還朝廷以太后故八字

史孝山注王莽末沛國史岑字孝山何校改字子孝

劉伶酒德頌是非鋒起何云晉書作蜂

陸士衡漢高祖功臣頌梁王昌彭越昌下脫邑字

曲逆宏達何云孔氏雜說載曲逆漢書無別音文選注曲區

句反逆音遇當是五臣注也

樹按讀書記所辨甚詳今汲古本善注無音

韓王寤執注此特萬世之事也萬世何改力士

夏侯孝若東方朔畫贊大人來守此國注其父爲樂陵郡守

陳少章云按潘岳夏侯湛誄云父守淮岱淮謂淮南岱卽謂

樂陵也

袁彥伯三國名臣贊注檀道鸞晉陽春秋校滅春字改續晉

陽秋

沈跡溝壑注漢書校改陸機運用無方茫向曰誤入五臣

注 牆宇高嶷何云宇晉書岸

全身由直何云晉書作曲

臨危致命何於注上書陳泰飲酖而卒範按此事無所見歐
血之語裴世期已云孫氏語非實安有此也

注文王乃久不言按魏志作乃不更言

遂獻宏謀何云獻晉書作贊

司馬長卿封禪文湛恩龐鴻史記龐鴻作濛涌

昆蟲闔澤何云漢書作憚按注引韋昭音驛似選亦作憚

導一莖六穗於庖按導史記作導徐廣曰瑞禾也

獲周餘珍放龜於岐按漢書無珍字史記放作牧

進讓之道按漢書讓作攘注言周末可封禪爲進按爲上脫

而封禪三字

陛下謙讓而弗發按陛下上漢書有上帝垂恩儲社將以慶成十字史記同慶作薦

且天爲質闇示珍符按且同匪且有且之且毛傳訓此也非唯徧之我汜布護之按史記徧作濡無我字

今親其來何改親爲視然翫注云親見其來似善本作親作視不煩注矣

楊子雲劇秦美新焉壞徹而能全何云向注徹猶廢也故若古者稱堯舜翰注若順也

或無爲而治或損益而亡按王莽變改制度政令煩多當奏行者輒質問乃以從事前後相乘憤耗不牒莽常御燈火猶

不能勝子雲數語斥此劉勰云詭言遁辭故兼包神恠

宜命賢哲作帝典一篇舊三爲一襲按伏生書堯舜二典合

爲一而此已云舊三爲一則分堯舜爲二典與孔書同耶樹按

史記漢書載相如封禪文不同

班孟堅典引猶啓發憤懣啓上何從五臣增樂字

誥誓所不及已注本事曰誥本字疑

武稱未善注左氏傳臧哀伯曰左氏上脫善曰二字按典引

蔡邕注加以善注則注善曰字以別之凡脫十餘處今並校

增

亦猶於穆猗那亦何據後書改然

殷薦宗配帝宗下後書有祀字

匪漢不宏厥道何云後漢厥道屬下讀

外運渾元注言漢上脫善曰

榮鏡宇宙注脫善曰

至於遷正黜色注禮記曰上脫善曰

而禮官儒林屯用篤誨之士後漢作屯朋

躬奉天經注孝經曰上脫善曰

燔瘞縣沈注爾雅曰上脫善曰

是以來儀集羽族於觀魏注尙書曰上脫善曰

樹按何云後書來儀上有

鳳凰字樹以下句肉角類之似無之爲是肉角注廣雅曰上脫善曰

升黃輝采鱗於沼注禮記曰脫善曰

三足軒翥於茂樹注楚辭曰脫善曰

昔姬有素雉朱鳥注素雉上脫善曰

蓋用昭明寅畏注尙書曰上脫善曰

豈茂清廟注善曰毛詩序曰何移善曰於茂輕也上

伊考自遂古注伊誰也上脫善曰

今其如台而獨闕也注尙書曰上脫善曰

與之斟酌道德之淵源注斟酌上脫善曰

將緝萬嗣注脫善曰緝使也按章懷注緝續也善注以使爲

義則併疑仵之誤

干寶晉紀論晉武帝革命何云宋人定爲干寶按此本采眞
子干姓編宋邢凱坦齋通編引之

晉紀總論蓋民情風教安危之本也昔周之興也云云何云

宜說民情風教以下忽說取天下當積德累仁段落不清敘周事亦過於煩範按周之興也蓋承上拓其旨而廣言之不得斥以段落不清也雖云著周之積德累仁以得天下要之亦原其民情風教之本故以積基樹本四語括之魏晉閒如此等議論亦足以樹千秋之龜鏡矣 所援周事亦與上扞患禦災上德生已順天應人相爲應證

宣景遭多難之時注或乃多難以固其國四字錯在立官也之下乃字衍

齊桓有如夫人者六人注易牙入與貂因寵以殺羣吏因下脫內字

范蔚宗後漢書皇后紀論六宮稱號唯皇后貴人金印紫綬

何從後書重貴人二字

遂忘牆蠹何云牆卽溜字不識字人謬改爲牆今從後書作溜

宦者傳論閹者守中門之禁何云閹人以墨者爲之此據詩昏椽靡共鄭箋云皆奄人也

將以其體非全氣注引老子王弼注云云按老子作峻其能者則勃貂管蘇注史記作履貂按今史記作履鞮逸民傳論肅宗亦禮鄭均而徵高鳳何云禮鄭均謂與之白衣尙書祿以遂其高

沈休文宋書謝靈運傳論高義薄雲天注法言曰或問屈原相如之賦孰愈曰原也過以浮如也過以虛過浮者蹈雲天

過虛者華無根然原上援稽古下引鳥獸其著意子虛長卿亮不可及按法言今本無此文

叔源大變太原之氣注又加以三世之辭注三世疑二氏多歷年代何云宋本無多歷年代以下十字

恩倖傳論伯始致位公相何云伯始當作稚圭注胡廣當作匡衡以前後漢考之可見注家無改正者

郡縣掾吏何云吏當作史

非若晚代分爲二塗注仕子不居賤職仕何改任

樹按前士子居朝伺

班孟堅史述贊按小顏漢書注嘗譏摯虞及諸學者以漢書敘目名漢書述爲誤昭明則又兼贊之名矣吳志華覈救章曜疏云吳書雖已有頭角敘贊未述則述贊疑沿傳已久

按樹

詳漢書
敘傳

賈誼過秦論陶朱猗頓之富注其滋息不可計以興富按富
下脫於猗氏三字

王子淵四子講德論秦穆有王由五穀注秦穆公聞百里奚
故重贖之按奚下脫賢欲二字故字衍

班叔皮王命論棗稅之材注應劭曰爾雅曰桷謂之棗稅侏
儒柱按今爾雅云宋廂謂之梁其上楹謂之稅注侏儒柱也
郭或本應

貪不可冀無爲二母之所笑何云漢書作無貪

魏文帝典論論文家有弊帚注東觀漢記曰吳漢入蜀都縱
兵大掠上詔讓漢曰按讓漢下似當有副將劉禹四字下固

有禹宗食子孫云云也

曹元首六代論注魏氏春秋曰曹冏字元首少帝族祖也何云冏中常侍兄叔興之後按中常侍少帝之五世祖少帝與元首共六世祖於禮非族魏晉閒偁謂已如此

樹按此文當閱義門諸論

於今二十有四年矣何云二十四年則此論當於齊王芳正始四年上也

李蕭遠運命論以游於羣雄至莫之逆也陳少章云李周翰謂善本無此一段今按善引漢書云云似善本不應無此或漢書一條係後人補注

陸士衡辨亡論蓬龍之戰注按蓬龍之戰善注引臧霸傳釋之非也此係臧霸破韓當之軍而吳人不能救陳蘭非吳之

得志於魏也論蓋指曹休爲周魴所譎入皖石亭之敗於時
休軍爲陸遜所破也卽下篇所云執鞭鞠躬以重威亦此時
此事機乃侈其祖烈耳蓬籠乃吾郡懷寧山也周魴與曹休
賤亦有前彭綺聞旌麾在蓬籠之語俱指休窺皖之日言之
左丞相陸凱注引吳志凱上表疏皆指事不飾忠懇按忠懇
下脫內發二字

辯亡論下未巨有弘於茲者矣巨何改見按晉書亦作巨巨
與遽同毛詩庭燎鄭箋未央猶言夜未央也渠其反
五等論皇祖夷於黥徒注自史記至別有所見何本乙去
一夫縱橫陳少章云一夫縱橫殆指漢末羣盜披猖殘破郡
縣注似非

中人變節何云晉書作忠

劉孝標辨命論高才而無貴仕注左氏傳楚叔伯當作子文禍福無門唯人所召注左傳閔子騫當作閔馬父

膏塗平原注檄蜀文按當作喻巴蜀檄

聞孔墨之挺生注引陳太邱碑云云陳少章云蔡碑無此語廣絕交論粵謨訓按梁書作越南史作粵義不當作粵言出

謨訓之外

寄通靈臺之下按注誤此言仕宦之通居於廟廊者耳

伍員濯漑於宰嚭陳少章云引四人事只取其因急相依作窮交之證耳諸員襲耳之注似贅後引史記一條同

故王丹威子以櫓楚注鄭玄曰夏楫也楚荆也夏與榎古今

字也按栢陸德明音吐刀反

自昔把臂之英注此謂到洽兄弟劉孝標與諸弟書云云按孝標爲孝綽之譌南史言孝綽與諸弟論其治不平者十事疑卽善所引樹按孝綽非佳士所論到洽事皆以私憾之說與諸弟書實欲聞之湘東王昭明太子焚其錄不開視孝標亦非懿士

寧慕邱成分宅之德注引孔叢子按亦見呂覽觀表篇

陸士衡演連珠是以百官恪居注左氏傳閔子騫曰校改公

鉏然之

東樹按諸謂碑文恪居官次注左氏傳曰閔子騫曰同此校改

演連珠劉孝標注善注亦厠其中而多脫善曰二字今並校增目無常音之察章杜預左氏傳注 衝波安流章注曰衝風起兮 震風剽發法言曰 理之所守章文子曰左手

據天下之圖 虐暑熏天章淮南子曰失寒之與煖相反以
上五處皆脫善曰

班孟堅封燕然山銘勒以八陣注雜兵書何云不知見於何
書朱旗絳天注李陵與蘇武書何云此書又不知見於何書
樹按讀書記載後一條遺前一條則所云又字者不可明矣

張孟陽劒閣銘何云晉書興實在德二句在洞庭孟門二句
之下

陸佐公石闕銘龍飛黑水何云黑水西河借用

方面靜息注楚辭客主言按楚上增孫字楚下減辭字

新刻漏銘乃詔小臣爲其銘曰何云集曰銘一字至尊所改
勅書辭曰故當云銘此注在銘曰之下脫去是惟熙載注何

增熙載已見上文六字於呂氏春秋上

曹子建王仲宣誄於魏之疆注圈稱陳畱風俗記曰云云按
晉滅之魏乃詩譜所云虞夏所都之地浚儀在春秋時當爲
鄭地及衛境獻公安能有之梁惠王遷大梁其得地未詳何
時圈稱妄說善注不應取

潘安仁楊荊州誄殷憑太阿注太阿阿衡謂侯尹也按太阿
之名疑見於緯書又王莽傳左輔甄豐爲太阿右弼

謂督勲勞何云厚叅云當引左氏謂督不忘古字督與篤通

用卽微子之命曰篤不忘以篤爲察非也

按左傳十二年也
下繼襄欒盡未詳

楊仲武誄毀壁摧柯何云山谷毀壁詩本此

夏侯常侍誄譙人也上脫譙國二字弱冠辟太尉府府下脫

掾字何校增

俗疵文雅何云俗南史殷景仁舉此語作世當是避諱改馬汧督誅抑亦買首之讎也注甘茂上脫爲字

危趙獲安注今智伯率二軍而伐趙亡則君次之何校亡上重趙字灌智伯伯下增軍字

狄隸可頒按司隸掌帥四翟之隸

顏延年陽給事誅苦夷致果注何云陽州乃名與陽氏何與乃贅及之

自溫徂陽何云東漢有陽球

陶徵士誄織絢緯蕭注甯喜云云按出奔晉者乃衛侯之弟專也左作鱣

謝希逸宋孝武宣貴妃誅翬翟毀衽注鞠衣祿衣中脫展衣二字

顏延年宋文皇帝元皇后哀策文按袁后諡立題及注皆誤刻元

龍輅纒紵注韓詩曰曰上脫章句二字

謝元暉齊敬皇后哀策文惟永泰元年九月九上脫秋字至尊親奉奠某皇帝注明帝崩未諡按今刻小謝集者妄改某爲明

懷蜃衛而延首注蜃車柩路柩載柳四輪載上脫路字

慕方纏於賜衣注東觀漢記上賜東平王蒼書按此建初三年章帝書也饗衛南宮南上脫士字

蔡伯喈陳太邱碑文重部大掾以成時銘謂使大掾成是銘耳

王仲寶褚淵碑文袁陽源注後漢書左朱零按書下脫書字左當爲佐

餐東野之祕寶注又雜書天淮聽曰何云或刻零淮

王簡棲頭陀寺碑文注王巾余往在京師同年邵三叔山云字爲山 徐楚金說文通釋作王巾何校改同 隋經籍志梁有王巾集十一卷亡鍾嶸詩品云齊記室王巾竝作巾方廣東被按十二分教九曰毘佛略譯言方廣

周魯二莊注周莊王魯莊公爲同時按佛生於周莊王七年相傳年七十三則涅槃盤於周頃王五年丁未又六百年當漢

成永始三年

康濟多難注引禮記晉太子申生使人辭於狐突曰君老矣

國家多難何云三語檢禮記不得蓋今日所見又非唐本矣

某嘗舉此語以何不記檀弓爲可恠

樹按此傳校者誤置句語此句上致某

蓋此文下句步中雅頌聚合詁義注引禮記曰步中如中韶濩所以養耳何所記當是厚此三語非謂上檀弓也如先生此筆記頃爲學者傳鈔原本多所移誤屢入按之原文不可解者甚多則後世豈不疑先生爲可惟乎固知書非自編託之後人鮮不失之者望溪先生曰人之意見各殊凡淺深有異分操割裂脈絡不通參互相抵去取詳略之大凡且不盡一而况別擇之精粗刪刻之當否乎盧抱經曰校勘者止於執卷讎對則二三胥吏足辦何假通人學士乎若曾無建明其閒譌文謬事歷歷未知又妄庸之人性喜誣妄贅增乙引覺之脛續貂之尾輕易上板流布天下爲前賢誦病豈非傳書之大惡乎云云是皆校書者不可不知也

彭城劉府君諱誼何云南史作暄後爲領軍東昏殺之

工以心競注莊子曰舜之治天下使民心競王隱晉書荀勖
議曰君子心競而不力爭何云左傳臣不以心競而力爭按
何所引爲襄二十六年傳然僖七年已有心則不競何憚於
病

沈休文齊故安陸昭王碑文注淮陰令懲按齊梁二書及南
史懲皆作整

如仁夕惕之志按此言齊高處宋明疑忌之時

西通鄧鄧注左氏傳曰鄧南鄭人南下脫鄙字按鄧鄧並在
襄陽東北當時緬爲雍州刺史何以云西通鄧鄧豈不駐襄
陽耶然云水陸之途三七似與今里至有殊

何云劉良注
衡巫二山名

羊琇願言而匪獲注晉諸公讚曰羊琇云云按今晉書外戚

傳云琇嘗謂武帝曰若富貴見用任領護各十年晉書職官志魏世置領軍將軍武帝初省又有護軍將軍

南陽葦杖注但用罰之用下脫蒲鞭二字

公攬轡升車何云此一段總吳郡郢州會稽三郡

北指峭瀾何云以下言其鎮雍州也

任彥昇劉先生夫人墓誌注吳均齊春秋王儉曰石誌不出
禮典起宋元嘉顏延之爲王琳石誌按梁書劉之遴啓皇太
子爲劉顯誌銘曰歸魂有日須鐫墓板似當時亦用木也又
太子所爲誌銘四言有韻之文與此亦同不如後人以序爲
誌以後韻詞爲銘也

齊竟陵文宣王行狀

笑古人之未工忘已事之已闕不敏之愧重爲口占已
甲午除夕東樹謹記